



**U suradnji sa renomiranim partnerom i najbolje organiziranom skupinom vodiča, Sarajevo Insider, nudimo vam izbor od 4 najtraženije vođene ture Sarajevom.**

### **Sarajevo guided tours/Sarajevo vođene ture**

#### **SARAJEVO VELIKA TURA**

Grad koji se često povezuje sa opsadom iz 90-ih godina prošlog stoljeća ima mnogo toga za ponuditi. Pridružite nam se u putovanju kroz prošlost tokom kojeg će vam vodič otkriti male i velike tajne grada i upoznati Vas sa misticizmom sarajevskih ulica i sokaka. Ova tura će vas provesti kroz glavne kulturno-historijske znamenitosti iz perioda osmanske i austrougarske vladavine i pokazati jedinstveno mjesto u Sarajevu gdje se susreću istok i zapad. Uživajte u mirisu svježe pripremljene kafe, zvuku crkvenih zvona i ezana sa munara. Saznajte više o atentatu zbog kojeg je započeo Prvi svjetski rat i zašto se Sarajevo naziva Evropskim Jerusalemom.

**Lokacije:** Vijećnica Inat kuća Sarajevske tabije Bravadžiluk i Kazandžiluk (stari zanati) Sebilj Ulica Sarači Morića han (karavan-saraj) Gazi Husrev-begova džamija i medresa Sahat kula Sarajevski atentat 1914. Gazi Husrev-begov bezistan Sefardska mahala i sinagoge Katedrala sv. Srca Isusova Saborna pravoslavna crkva

**Svaki dan:** 10.30 am

**Trajanje:** 3 sata

**Cijena po osobi:** 12 €, Minimalno 2 osobe

**Preporuka:** kamera, voda

**Uključeno:** Vodič

#### **SARAJEVO TUNNEL TOUR/ TUNEL SPASA TURA**

Ova tura je minimum onoga što biste trebali znati o najdužoj opsadi jednoga grada u novijoj ljudskoj historiji. Tokom vožnje mini-busom, vodič će objašnjavati objekte pored kojih prolazite a koji su bili bitni tokom opsade Sarajeva 1992. - 1995. Saznajte kako je počeo rat, zašto je Nacionalna biblioteka BiH uništena, koliko je ljudi stradalo. Vozeći se Alejom snajpera moći ćete shvatiti kroz šta su stanovnici Sarajeva prolazili a ipak nisu gubili nadu. Sve to samo je uvod u priču o važnosti jednog 800 m dugog i samo 1,60 m visokog tunela koji je spajao okupiranu i slobodnu teritoriju ovoga grada. Nakon što prođete kroz 20 m originalnog tunela i pogledate film o ratu u Sarajevu, Insiderov vodič će vam detaljno objasniti ulogu tunela u opsadi grada, njegovu izgradnju, način korištenja, te rado odgovoriti na vaša pitanja. Po povratku iz tunela razgovarajmo o sadašnjosti i budućnosti Sarajeva.

**Tour Spots:** Stari grad Tržnica Markale Skenderija Zgrada Predsjedništva BiH Parlament Zemaljski muzej Kasarna Maršal Tito - kampus Univerziteta u Sarajevu Aleja snajpera RTV dom Ali-Pašino polje Zgrada Oslobođenja - Dnevni avaz Stup Ilidža i Butmir Sarajevski ratni muzej Tunel spasa

**Svaki dan:** 14.00

**Trajanje:** 1 sata

**Cijena po osobi:** 15 €, Minimalno 2 osobe

**Preporuka:** kamera, voda

**Uključeno:** Vožnja mini-busom, uključena ulaznica u Tunel

## **DOBA NESREĆE**

Ovo je naša najprodavanija tura već nekoliko godina. Tokom nje ćemo vam pokušati približiti sve ono kroz što su Sarajlije prolazile od 1992. do 1995. Na početku se vozimo do jedne od najljepših panorama grada odakle ćemo vam objasniti opsadne linije Sarajeva. Posjetićemo i groblje heroja koji su goloruki stali u odbranu grada i za slobodu dali vlastite živote. Saznajte kako je bilo živjeti bez hrane, struje, vode, plina, kako su djeca išla u školu i kakav je bio kulturni i sportski život. Pokušajte shvatiti razlog granatiranja globalja, Olimpijske dvorane Zetra, porodilišta... Na ovoj turi ćete čuti i lična iskustva naših vodiča koja će ovu turu učiniti zaista posebnom. Saznajte više o početku raspada Jugoslavije, ciljevima rata i planovima podjele BiH. Vozeći se Alejom snajpera imaćete priliku čuti priče i komentare vodiča. Po dolasku u muzej Tunel proći ćete kroz 20 m originalnog tunela i pogledati film o ratu u Sarajevu nakon čega će vam vodič objasniti ulogu tunela u opsadi grada, njegovu izgradnju, način korištenja te rado odgovoriti na vaša pitanja. Saznajte i ulogu UN-a u Sarajevu i njihove brojne greške načinjene u ovom ratu. Pri povratku u grad, vozimo se kroz drugi entitet i govorimo o završetku rata, ustrojstvu države i trenutnoj situaciji.

**Tour Spots:** Stari grad Šehidsko mezarje Bijela tabija Tržnica Markale Zgrada Predsjedništva FBiH Olimpijski objekti - stadion Koševo i dvorana Zetra Porodilište Zemaljski muzej Kasarna Maršal Tito - kampus Univerziteta u Sarajevu Aleja snajpera Grbavica RTV dom Ali-Pašino polje Zgrada Oslobođenja - Dnevni avaz Stup Ilidža i Butmir Sarajevski ratni muzej Tunel spasa Panorama Sarajeva

**Svaki dan:** 11.00 am

**Trajanje:** 3 sata

**Cijena po osobi:** 27 €, Minimalno 2 osobe

**Preporuka:** kamera, voda

**Uključeno:** Vodič, vožnja mini-busom, uključena ulaznica u Tunel

## **OLIMPIJSKA TURA**

Sarajevo je bilo domaćin XIV Zimskih Olimpijskih igara koje su održane od 8. do 19. februara 1984. godine. Ovo su bile prve Zimske Olimpijske igre održane u jednoj komunističkoj državi. Posjetit ćemo mjesto održavanja ceremonije otvaranja i otkriti šta je Olimpijada značila građanima Sarajeva i na koji način su se vršile same pripreme. Povest ćemo vas na tri prekrasne Olimpijske ljepotice u okolini grada od kojih su neke nažalost još uvijek u ruševnom stanju nakon proteklog rata. Na kraju vas vodimo u Olimpijski muzej gdje ponosno čuvamo sjećanja na jedne od najuspješnih Olimpijskih igara XX stoljeća.

**Tour Spots:** Trebević Igman Bjelašnica Olimpijska dvorana Zetra Olimpijski stadion Koševo

**Svaki dan:** 10.00 am

**Trajanje:** 4 sata

**Cijena po osobi:** 40 €, Minimalno 2 osobe

**Preporuka:** kamera, voda

**Uključeno:** Vodič, vožnja mini-busom,